

## COMUNICÂT STAMPE

### SETEMANE DE CULTURE FURLANE



#### VINARS AI 19 DI MAI DAL 2023

**AES 18.00**

Centri Visitis di Nert e Cjas – Parc Naturâl des Dolomitis Furlanis


***“Indagare, ricostruire, narrare:  
la chiesa di San Martino di Erto tra storia e archeologia”***

#### SABIDE AI 20 DI MAI DAL 2023

**AES 18.00**

Sale Consiliâr dal Comun di Budoie - Place  
Umberto I, 6

***“Un territorio e la sua storia:  
nuove scoperte archeologiche a Budoia”***



Inte suaze de *Setemane de Culture Furlane*, la Sorintendence Archeologjie, bielîs arts e paisaç dal Friûl-Vignesie Julie e organize doi incuintris dedicâts aes discuiertis archeologjichis plui resintis intai teritoris di Nert e di Budoie.

La prime conference, cun titul ***“Indagare, ricostruire, narrare: la chiesa di San Martino di Erto tra storia e archeologia”***, si fasarà **vinars ai 19 di Mai aes 18.00** li de Sale des Cunvignis dal Centri Visitis di Nert e Cjas – Parc Naturâl des Dolomitis Furlanis. A vignaran presentâts i risultâts de **campagne di rilêf des struturis atuâls** e de **indagjin archeologjiche**, puartadis indevant cu la direzion sientifiche de Sorintendence ABAP F-VJ intai agns 2018-2019, in ocasion dal progjet di costruzion dal memoriâl de Glesie di Sant Martin di Nert, che e jere stade sdrumade cuasi dal dut intal disastri dal Vaiont ai 9 di Otubar dal 1963.

L'event al sarà une ocasion par fevelâ no dome des sepulturis cjatadis fûr de glesie e de frecuentazion alt medievâl de aree, ma ancje de prospettive de ricercje, cun cualchi sugjeriment par rifleti sul popolament antîc dal teritori des Dolomitis Furlanis.

Il secont incuintri, cun titul “*Un territorio e la sua storia: nuove scoperte archeologiche a Budoia*”, si fasarà inte Sale Consiliâr dal Comun di Budoie. A vignaran mostradis lis **scuviertis archeologjichis plui resintis** fatis intal teritori di Budoie, che a disvelin trê insediaments diferents par tipologjie, ubicazion e cronologjie e che a permetin di sclarî lis modalitâts diferentis che il teritori al vignive doprât tra la fase protostoriche e la Ete alt medievâl. Cun di plui, l’incuintri al à chê di proponi un moment di aprofondiment su la **storie dal teritori di Budoie** e une ocasion di confront public sul teme dal patrimoni archeologicjic tant che ben di ducj.

### **Program dai incuintris**

VINARS AI 19 DI MAI DAL 2023 | AES 18.00

Sale des Cunvignis dal Centri Visitis di Nert e Cjas – Parc Naturâl des Dolomitis Furlanis

**“Indagare, ricostruire, narrare: la chiesa di San Martino di Erto tra storia e archeologia”**

*A fevelin*

**dotôr Giovanni Mauro Dalla Torre** (Delegât dal vescul BB.CC. – Curie de Diocesi di Concuardie-Pordenon)

**dotôr Roberto Micheli** (archeolic - Sorintendence ABAP-F-VJ)

**dotore Raffaella Bortolin** (archeolighe)

\* \* \*

SABIDE AI 20 DI MAI DAL 2023 | AES 18.00

Sale Consiliâr dal Comun di Budoie - Place Umberto I, 6

**“Un territorio e la sua storia: nuove scoperte archeologiche a Budoia”**

*Conference dal*

**dotôr Roberto Micheli** (archeolic - Sorintendence ABAP-F-VJ)

**Revision e traduzion dai tescj par cure dal Sportel regionâl pe lenghe furlane de ARLeF /  
Revisione e traduzione dei testi eseguite dallo Sportello regionale per la lingua friulana dell'ARLeF**

Triest, ai 16.05.23

Ufici Comunicazion e Promozion de Sorintendence Archeologjic, bielis arts e paisaç dal Friûl-Vignesie Julie

sabap-fvg.comunicazionepromozione@cultura.gov.it

+39 040 4527527

<https://sabapfvg.cultura.gov.it/>

<http://www.facebook.com/SABAP.FVG>